





第六八三冊

四庫全書

●上海古籍出版社

本冊目次

古刻叢鈔	明陶宗儀編……………一
名蹟錄	明朱珪編……………二五
附	
吳中金石新編	明陳晔編……………九三
金薤琳琅	明都穆撰……………二二三
法帖釋文考異	明顧從義撰……………三五七
金石林時地考	明趙均撰……………四一七
石墨鏤華錄	明趙頤撰……………四四五
附	
金石史	明郭宗昌撰……………五三三
欽定重刻淳化閣帖釋文	于敏中 清王際華等奉敕校正……五五九 裘曰修
求古錄	清顧炎武撰……………六五九
金石文字記	清顧炎武撰……………七〇一
石經考	清顧炎武撰……………八三三
萬氏石經考	清萬斯同撰……………八五三

欽定四庫全書

史部
古刻叢鈔

詳校官編修 臣潘廷筠

編修 臣程嘉謨覆勘

總校官降調編修 臣倉聖脉

校對官待詔 臣胡士震

謄錄監生 臣朱天秀

欽定四庫全書

史部十四

古刻叢鈔

目錄類二 金石之屬

提要

臣等謹案古刻叢鈔一卷明陶宗儀編宗儀

有國風尊經已著錄是編前後無序跋所鈔

碑刻凡七十二種漢一後漢二晉一宋三梁

三隋一唐四十九南唐一北宋二南宋一無

年月者六皆全錄其文以原額為題無所考

欽定四庫全書

古刻叢鈔

辨亦無先後次序蓋隨得隨抄非著書也然

所載諸碑傳於世者甚罕惟漢建平郡縣刻

石見於隸續漢隸字源唐薛王府典軍李無

慮墓誌見於金石錄其餘如宋之臨澧侯劉

襲墓誌梁之永陽敬太妃王氏墓誌唐之汝

南公主墓誌尉州刺史馬紆墓誌多與史傳

相發明又載唐人曹汾等別東林寺徐浩題

寶林寺及謁禹廟釋元孚與王墓遊天台詩

共七首亦自來錄唐詩者所未及古人著作
托金石以垂于後然金石有時而銷泐其幸
而存者不貴存目貴錄其文而後可傳於無
窮故洪适釋隸續較金石集古諸錄更為
有資於考證是書摭拾佚文首尾完具非惟
補金石家之缺漏即讀史談藝亦均為有所
裨矣乾隆四十六年十一月恭校上

欽定四庫全書

古刻叢鈔

總纂官 紀昀 陸錫熊 孫士毅

總校官 陸費墀

欽定四庫全書

古刻叢鈔

明 陶宗儀 編

大唐故陪戎校尉崔府君墓誌銘

并序 闕撰人名

君諱相清河人也神農之苗曹太公之胤緒原夫魚吞
呂釣應同載以歸周龍躍崔津表嘉名以誕慶曾祖懷
隋任鄭州司馬祖國父觀隋任豪州錄事參軍或六條
布政揚至德以宣風或千里輔仁翊公平以闡化君高
門華緒間代清姿猗桐吸日月之光松栢挺風霜之節
方冀南山錫壽永駐顏齡何期北帝遊魂先悲過隙嗚呼哀
哉以開元十年二月廿一日終於私第春秋六十有八
夫人丁氏蘇氏李氏並母儀婉順婦德慈和移隣之慶
早彰舉案之驩夙備庶期十月壽保百齡冀椿鶴而齊
年奄蘭螭而等謝越開元十年三月八日合祔於村西
北二里平原禮也左榮澤右成阜峨峨飛嶠鎮其前滔
滔黃河灌其後嗟乎玉樹雙埋金聲兩絕白日杳而三

欽定四庫全書

古刻叢鈔

千歲黃泉深而幾萬重悲風起而松柏哀冷露泣而蓬蒿泣嗣子待賓等瞻天靡訴叩地無追長縈銜索之悲永結殮荼之苦銘曰

東光不駐西影彌催崑山玉碎蘭苑香摧玄霄易掩白日難開母儀夙備婦德早彰匣中劍折鏡裏驚亡乾坤載合琴瑟重張森森翠栢駉駉白楊千秋播馥萬代流芳

大唐故忠武將軍行薛王府典軍上柱國平棘
欽定四庫全書

縣開國男李府君墓誌銘

并序 賈彦璿撰

君諱無慮字忠眷隴西人也昔月貫於昂咎繇誕而邁德氣感流星伯陽生而啟聖惟彼降瑞因茲命氏曾祖貴隋太中大夫延州刺史涼國公皇朝封隴西公任切分憂寵加芳理朱旗映日皂蓋生風屬隋室道喪我唐天啟時庸錫壤俾崇禧勲封以隴西昭其業也祖武皇朝銀青光祿大夫隰吉二州刺史襲封隴西公開高關御下以寬洗憤清心不言而理襲封本郡昭其祚也父關

道皇金紫光祿大夫汾州刺史股肱之郡公輔之材克著政關尤關人望遷鎮軍大將軍左驍衛大將軍上柱

國襲封隴西郡公武庫森森縱橫矛戟智囊關風雲煥

乎鈞陳設在蘭鈞乃祖乃父自公自侯昭其貴也君衣

冠奕世禮樂關賢慶霽炳靈光昭茂大君有命人衛天

和階關呈祥仲由負三軍之勇燕領標異班超封萬里

之侯弱冠於清邊軍立功授遊擊將軍左衛長上明略

經濟雄心英果剋清妖孽飲至天庭師出以臧功宜上

欽定四庫全書

賞朱紱斯曜可不偉歟無何轉授郿州章州府右果毅

時關內按察使強關以君幹蠱奏攝會州司馬又改授

同州洪泉府左果毅仍令長上一貴一賤喜慍不形於

色或出或處寵辱無戒於懷位關題輿關中龐統名恭

都尉關屈曾洪有勅差充關野軍副使舉不失德勤衣

告勞展充國之務農輟揚雄之執戟軍儲是給關馬賴

焉尋為太原節度使李勣奏授薛王府典軍敵忤雄城

趨侍關每入招賢之觀時陪樂關之遊習習雄風和而

扇物繁縟闕寵而益闕青春始華玄夜秘景歲不我與

天奪其運以開元十七年五月七日終於靜恭私第春

秋六十有二以其年六月十一日歸葬於萬年歲縣神

禾舊原陪光瑩禮也嗚呼哀哉賢王端憂故人啜泣垂

天之翼必鏤於紫霄經國之材俄解於白日遂使瑤林

瓊樹瘞松草於佳城龍章鳳姿沒風煙於闕嗣子闕度

等孝履增感攀號無訴恭陳道事俾刊豐石銘曰

公侯之子兮累代其昌河岳之秀兮為龍為光克岐克

欽定四庫全書卷之四

歲兮發言有章立功立事兮厥政其芳天何為兮連罹

其殃哲人瘞兮為代所傷飛旆翩翩兮出帝鄉素車遠

遲兮西龍岡閉以大隧塋於便房勒勲鐘鼎畫像旗常

日黯黯兮愁欲暮風蕭蕭兮悲白楊

唐故江南西道觀察判官監察御史東行太原

王公墓誌銘并序許志彙撰

公諱叔雅字元宏太原祁人也其先食采於祁因邑命

氏軒蓋蟬聯奕葉闕茂忠貞孝友更不絕書素風懿範

繼華烈烈誠有國之柱石為令族之領袖三代祖祐周

縣騎大將軍開府儀同三司光祿卿隋拜司空兼中書

令謚曰忠烈忠烈生皇朝比部郎中資州刺史師威公

之高祖也資州生朝請大夫澤王府司馬清源縣開國

男守節公之曾祖也清源生渝州刺史贈懷州刺史闕

一公之王父也懷州生金紫光祿大夫試秘書監兼御

史中丞衡州刺史贈揚府大都督諱承俊公之先考也

以中書之勳烈比部之令望清源之宏茂懷州之懿德

欽定四庫全書卷之四

中丞之雄邁世濟其美慶鍾後昆公即中丞第四子也

弱不好弄幼而能文一見不忘有類王充之敏五行俱

下不慚應奉之才為善孜孜小心翼翼恭敬以奉上篤愛

以臨下接士必盡其材修己不疵於物繇是鄉里挹其

仁朋友伏其義時秘書郎嚴維有盛名於代雖以公年

幼交契老成若蔡邕才重拔王粲於弱齡李膺望崇歎

孔融於稚齒嘉其至性敦重機闕深遠每器而厚之時

攜幼弟適即乃賦詩以贈云萬里天連水孤舟弟與兄

時屬而和者連郡繼邑染簡飛翰暮月不息繇是聲華藉甚於公鄉閭郡舉進士纔及京師動日屈指傾蓋結轍為禮部侍郎劉太真深見知遇再舉而登甲科決辰之間名振寰宇俄為山南東道祠曹王臯辟為從事丁太夫人憂服闋調補右衛率府兵曹參軍環衛望高以優賢也未幾為嶺南連帥章公丹舉列上分表遷左金吾衛兵曹參軍達府才雄軍門瞻重每下徐鴉之榻獨奪陳琳之筆屬本使節制東川府幙遠散邀公獨行奏

欽定四庫全書

古詩集

遷廷尉評兼監察御史府公再遷慈晉俄領江西復隨鎮拜監察御史東行以南康闕收假行刺史事盡閭里之情祛疲瘵之疾人得歸厚吏不敢欺歲月之間闕增闕復闕臨川闕南郡之理仁風所被清議攸彰無何寢疾經時沉痾以元和四年正月七日告終于洪州南昌縣之官舍春秋五十有五嗚呼哀哉以公之孝可以動神明以公之忠可以闕社稷以公之德可以反澆漓以公之仁可以厚風俗有一於此即為全人況其闕者乎

欽定四庫全書

古詩集

奈何天不與善奪闕重器民不幸歟時不幸歟夫人河東薛氏故禮部侍郎闕元女族謂清門家稱令室以闕謙睦中外以端闕奉闕公以伉儷之重加於人一等如賓之敬禮若常林居家有恒情如顧涕由是時論多之有一男一女男曰高陽女曰吳婆皆在孩幼哭無常聲公雖臨卽佐幕以清潔自約祿俸所入皆均親愛故不勝其貧輻車既還亦無以葬於時闕南西道連帥御史大夫章公丹以公賓四府始終如一感歎追舊情均支

谷是遷令問不易泣下連涕氣填胸臆嗚呼哀哉

唐故銀青光祿大夫使持節蔚州諸軍事行府尉

州刺史兼御史中丞馬公墓誌銘

并序
楊傑撰

公諱紆字無畏扶風平陵人曾祖行琰嫡州刺史祖于

龍平州刺史父寔右驍騎將軍御史中丞並有功幽蘭

書熟竹帛公即中丞第廿五子幼有奇節性唯聰悟見

古名將勲業之事未嘗不廢書發憤沈吟久之闕寄河

朔志著王室欲變風俗期乎坦夷遂委質戎府累遷魏

欽定四庫全書

古制卷八

大將自天寶末安史為亂雖克勦

闕

翻恣驕光以故將

帥帶州連郡蕃貢罕至而貌博諸田相繼立元和中上

以文德武功定叛亂雖魏帥詐順尋亦如舊大和初滄

帥李全畧死子同拔盜襲其位光皇震怒徵兵討之魏

帥以封壤連接潛相應援時中書令裴公學兵柄謀捷

魏事公以才辨為戎帥率知每有奏請獨當其任遂申

密款於裴公天子嘉之乃大張皇威深述聖旨聞向國

之福戒覆巢之厄帥立歸誠未幾王師大捷而同捷就

就

殘萬夫解甲西河肅清皆公始謀之力天子以公忠果可

任大事拜左武衛將軍後出為寧州刺史在郡有聞堂

帖赴闕拜右領軍大將軍至開成中博陵更師丞相進

闕取可繼作者以蔚為

闕

隣闕易遷就乃拜公蔚州刺

史兼御史中丞洎中謝文宗皇帝臨軒歎賞面許重事

以遣之既收安遷公綏戎以德撫下以恩野無南牧之

虞俗講東里之禮三年去任執轅遮道者闕路蔚人思

公令德日

闕

聞於廉帥廉帥聞於朝廷又拜蔚州刺史

欽定四庫全書

古制卷八

闕疾闕尋西河上聞之惻然候疾愈方授以大柄神不

庇善以會昌四年三月十日終於所寄之第享年五十

六嗚呼才長壽促志遠途窮

闕

廣所以為有識所歎公

兩娶裴氏張氏皆名族生一男二女男補太廟齋郎娶

徐氏次女適裴氏長女在室即以其年七月十日歸窆

於關中少陵原附其先塋合光妃之墓禮也銘曰

皇道熙天寶末盜弄干戈正獨猥滄師死今有餘枿

魏為親隣志相活河海橫流馬公遇漢盜亟誅天被關

忠義克彰遂聞達天子臨軒歎賢傑將安邊陲閩勲烈

將分竹符後閩錢所理蘇息無飢渴才有餘今悲未豁
長衢方騁相輒輒彼蒼者天何謂謂嗚呼馬君道消歇
中壽未登神奄絕唯有雄名流不竭

大唐故太白禪師塔銘并序 胡的撰

禪師法號觀宗得姓留氏東陽人也世積貞隱玄泯不
耀初母夫人夢吉祥天女引行摩利上宮而娠太白馬
闕有善護懷刃不薰不腥肌寃為澤藏珠川媚藏玉方

欽定四庫全書

舍利弗

流至寶處而殊倫至人出而體別異香襲乎襴襦重顏
清於冰雪太字進誘偏聯佛經滋味道之但甘道素年
至十二懇求出家如哀者欲淚不可遏也昔太字逾邁
寧辭去香烟頰騰擺落羈組乃登秦望山禮善惠禪
師求無上法一見奇秀如會宿心舊從門塔新我堂室
服勤左右道務精微初受楞伽思益等經便入禪宗性
海然彼波瀾秘藏不習而了其功文字有窮生知莫際
囊鉢衣衾退求戒珠便往南嶽禮闕空禪師稽首論心

演道秘奧菩提樹上汝得新枝師於座前詎量高下祖

師傳教南北一十二人今牛頭山中禪師是最後者遠
將啟暴研復真言以心印心以法印法且無別心寧
有差夫人善無修頓了無入二際情淨佛何間然禪師

克出常倫挺秀八尺時牛頭法衆欲近萬人無礙辨才
闕瞻仰彼土緣盡思歸太白上方務安靜也不游京國
遠名利也局不開鍵示無畏也常有兩虎依卧庵前位
目輕步馴於家畜西境之內不聞暴聲我蓋大慈力威

欽定四庫全書

舍利弗

犀物諸毒皆善豈唯獸焉山雖高深不能隱其大德遠
近禮謁如川之流故明州刺史王公術故明州刺史李
公岑故劄南東川節度行軍司馬檢校戶部郎中任公
伺故明州刺史盧公雪前後塔駭騎雲根稽求上法飢
渴無量實往賢歸每有異香聞者非一鳴呼孰謂法梁
將壞般若丹沉光和四年八月十五夜跏趺化滅享齡
七十九僧臘卅九以其年十月一日權開於太白峯南
先意也州尊邑尹徐英父衡縞素齊道幢幡翳野慈雲

聚而還散定水咽而更流猿鳥悲吟聲慘風雨物感如此人哀可知抵元和乙未歲建層龕過於多寶佛塔依法像也門人開每法常道真明徹惠見光獻玄微清瑗玄悟等皆承師教戒定慧雙修恐劫大重愈嵐風碎岳請銘大德於無朽文曰如來示滅教留秘法言說非傳清淨即合大鏡陽照山空響答其一真乘無相妙覺無形三界上界前生下生丹鶴魄陽冰津流清共之香塔徒傷有情

欽定四庫全書

唐故馮府君墓誌銘

并序開
撰人名

府君諱倫字寰周長樂人也曾祖思祖琰父璋俱養性邱園高尚不仕府君即璋第二子幼而簡約長而宏雅恬然自處不趨世利禮則凝重器宇沉深雖榮之與辱不能動其色忘言得意忻忻如也輕財重義博識多能理性內融徽猷外發男公造立身恭謹色養兢兢二女令淑有聞各聘他室嗚呼斯人不保遐壽少乖攝衛伏枕彌旬藥術無徵奄隨風燭以大和十年八月一日終

於私第享年七十府君殄也陰雲暗慘鳥雀悲鳴至理玄微天何可問男女違謬叩地號天閭巷傷聞為之慙然夫人陳氏蓬首灰心沆哀骨立徒想瓊田之草無復返魂之香以其年十月十五日葬於江夏長樂鄉射亭里之原禮也北背黃鶴之嶺南瞻八閭之峰恐年代侵疎川原變易刻石記事永將不易辭曰

日月至明尚有盈缺丘山至壯尚有崩裂感彼馮君隨波生滅時惟孟冬祈祈悲風凝陰蔽野苦霧靈空敬勒

欽定四庫全書

唐故汝南公主墓誌銘

并序開
撰人名

公主諱字隴西狄道人皇帝之第三女也天潢疏濶圓折淳夜光之采若木分暉標華照朝陽之色故能聰穎

外發閑明內映訓範生知尚觀藏於女史言容成則猶習禮於公宮至於怡色就養佩帨晨省敬愛兼極左右無方加以學殫歸素執象輦銑令問芳猷儀形閭閻某年某月有詔封汝南郡公主錫重珪瑞禮崇湯沐車服

欽定四庫全書

方輿彙編

卷五

徵章事優前典屬九地絕維四星潛曜毀瘠載形哀號
遇禮蘭鑪不襲塤酪無茲反瑄亟移陵塋浸遠雖容服
外變而沉憂內結不勝孺慕之哀遂減傷生之性天道
祐仁義其冥漠以合貞觀十年十一月丁亥朔十六日
故祭酒崔十八文綽常與冠軍賀拔悉皆以鑒閱相
尋每稱伏膺虞書多所歷年自會昌以來時觀斯帖
因致其真諫有加頃年崔丈每送余弟兄下第東歸
必云此去獲見汝南帖其何減於昇第耶所惜者闕
其銘文耳咸通二年春於存神室敷獻於凝良足瀟
愛也幾玄闕虞書世所傳者孔廟記耳此帖遂可抗
行河東薛紹彭題

唐故處士潁川陳氏公墓誌銘

并序
李又撰

陳公諱韞字韜光西漢太邱長寔之遠裔也曾祖晏祖
開先父澄偕高蹈不仕浪跡人寰以處默為輪輿以軒
冕為柱栱教垂嗣胤德冠我公作隱遯股肱為闕山浚
峭峻義方而闕屬不問宏心計而資給豐饒闕用身安

欽定四庫全書

方輿彙編

卷五

降年有永故春秋七十有八矣所宜溢斯上壽闕有中
庸推謂劒沒延津珠貽淮水以唐開成三年二月二十
七日寢疾於江闕縣之私室闕年四月七日歸柩於順
化里黃闕塋禮也夫人熊即曹氏先公三祀而卒子闕
立闕瘠綿頓幾不勝衣服慙經營面垢闕有禮號慟而
行路無耶仁孝光闕以闕父闕二闕榮陽潘氏婦儀母
道自彼抑揚豈不性闕訟闕有自於戲言猶在耳昔容
已緘哀闕臨岐誰無怒闕又以曾蔭德宇忝識前修實

錄道芳刻於貞石銘曰

闕德門所嗣兮退藏是先名與身孰親兮道在保全福

壽所資兮天降永年遺芳不替而蒸蒸又闕今闕前

大唐扶風馬氏墓誌銘

并序
撰人名

廿三娘馬氏名妣扶風人也故侍中太原尹子魯王父
故太子諭德兼兵部郎中子之王父故鄂州州從事子
之先父也子生於珥貂之家育在執紼之室笄年廿歲
灼如薜英期偶適闕我後嗣何華而不實祉福不臨

以元和八年七月三日洪水忽來浸隘夏洎合郭為患
顧北關遂假官航以虞關

江夏縣緣果道場七層塔下舍利銘記關撰

銘曰關設大齋關朝爰泊遐邇設使芬盡方關忘議善乃為

銘曰

茫茫宇宙悠悠世間九地街海四關山三塗有獄五道

無聞關識關循還至聖何像巖爾悵怕示現無方迦維

垂迹等救燒關息眾椎城椎輪火宅八十化盡天人喪

欽定四庫全書

師撫膺而淚香水關八國均持機緣靡隔靈祥俟時坊

墳式建層表臨空非因關金盤仰露寶鐸搖風山移川

徙微業興隆

唐故寧遠將軍守左金吾衛大將軍隴西李公

墓誌銘并序
李藝撰

夫為淳源支流一派後揖先軌者蓋紐宗子相襲焉由

是士關時望扇和風昔附關獨於前聞也公諱宗卿

字同系臨汝郡人曾祖蘭州刺史日關州龍遊縣關瑱

考朝議郎泗州虹縣尉援本以敦序關時衣冠及位公

道亮取時宏性測初勵躬祇厲克事關難濟國操節倖

搢搢義為紳常以顯關隱關進會於道並泰則何宜而

內薦冀乎關公植其風忽遺其命也時貞元十三年歲

次關夏口官舍嗚呼春秋六十有二夫人汲郡康氏毀

躬關長子德方次子直方宏方季子幼方等主奠號天

哀關河南元氏先公之淪次女十六娘已許於天水趙

欽定四庫全書

氏幼女十關茹泣貫心關於關月十一日權關禮也於

戲修輪挺空而見摧君子不幸於關生誠藝通泰殊眷

孟伯之子恭命為詞

香香運氣關顧巖作度關一噫云夢莫修歎願關代關

馳關彰關二曙興神策告赴原塋却負關哀關至情關

妃墓誌銘尚書右僕射太子

永陽太妃王氏琅邪臨沂人也其先周靈王之後自

秦漢逮於晉宋世載光關羽儀相屬既以備於前志故

可得而畧焉祖粹給事黃門侍郎父儼左將軍司馬尋

陽內史並見稱時輩太妃體中和闕宗之烈臨此溫恭

表茲淑慎孝敬資於冥發仁愛闕於自然至乎四教六

訓之聞工言貞婉之德無待闕該備政累行著於中闕

淑問顯乎言歸作嬪威德實光輔佐闕勤及早世發居

遺孤載藐提攜撫育逮乎成闕洽劬勞必盡曾不移忘

用能緝睦於中外闕節曹妃之敬讓方之茂如也皇業

有造殷闕纂嗣著號式顯迺拜為太妃策曰維天闕帝

欽定四庫全書

達宗室員外散騎侍郎持節兼散騎闕為國太妃曰於

戲惟爾茂德內湛闕用式遵舊典載章徽服往欽哉肅

茲休烈可不慎歟闕約居千乘闕厚既而恭王王永禮

從闕年萬事重志氣方隆宜永綏福履而奄奪闕一月

九日已卯薨於第春秋五十有闕推切割不能自勝使

闕可給東園闕辰式宏茂典又詔曰故永陽太太妃闕

式威母儀即遠戒期悲懷抽割可詳典故闕八日戊戌

祔瘞於琅耶臨沂縣長千里黃鵠山用宣風闕銘曰

清瀾悠邈其儀闕世祀猗歟周匝於昭不已誕實仁淑

作嬪君子幽閑表闕處薄秉默居冲參差採芣揜映言

工鑒昭彤管識懋休風凝芬載湛芳闕徙舍為訓止閭

成則曹號母儀豈伊婦德穆茲閨闈形於邦國龍飛集

運禮數收鍾憲章威典車服有容泰而愈約貴則彌恭

著祉方茂纂嗣克重巾帟差池朝夕闕事雖曰任傳永

請斯備是惟仁姑厥德奇庇恂恂濟濟蘭芬闕光陰易

晚祺福難留閨儀罷映倫華奄收莫遷朱卽駕指行楸

欽定四庫全書

芳闕是勒大闕方攸

前陳伏波將軍驃騎府詒議參軍陳府君墓誌

序闕周彪

君諱訓字孟和潁川許昌人也鴻基浚序有虞之苗闕

若夫姚墟誕聖嫡嗣降神四門穆穆八表光禪商均不

嗣周智胡公封建於陳因闕命氏鴻闕方榮書觀冊微

主季闕先賢自下蟬聯並闕言史祖僧亮神情淡遠素

氣高奇齊闕父闕風儀峻整雅有闕至前梁儀同君幼

而聰敏長開九部懸梁刺股手不釋書天才偉拔思若

有開包之筆江淹用之開王充五行俱下都開重起家

為岳陽王雍州西曹轉府記開都督衛州東征王師失

律軍潰陷陳同旅督開陳王墨頊初秉朝政虐於國威

縱情好開於刑所附故自陳蒙答貫死漏刀獲生俄而

釋禁開波將軍俄達驃騎府諮議開國云亡總管秦王

招開厚過辭者還鄉第二息孝開昆季男女久違膝下

忽奉開如從天落相率開日膳常珍則開九開何曾百

欽定四庫全書開品也同卑卓之開放開遣有識假歸真所製開秦始

之高墳是王孫之開葬乃遺命送終唯令儉薄不許立

銘開皇二十九年九月二十四日卒於檀溪里時年七

十六五男五女男則孝悌著聞居喪過禮女則柔和顯

稱婉婉聽從以其開十二月丙辰朔十八日癸酉歸葬

高陽鄉

碑陰

君第二叔爽字寶明州祭酒從事

第三叔子暢字彥舒法曹從事

第五叔彥達字祥敷梁鎮北府法曹參軍使持節驃

騎大將軍開府儀同三司開江

第二弟開字仲厚

第三弟開字季辨開孝騫所生李夫人

長息孝榮早亡 第二息孝騫字裕開

第三息君卿字開 第四息曜開

第五息五敏字稚文 第六息思岵字勿集

長女禮閨通梁故儀同郭仲方息元預

第二女藏閨適陽平郡守大都西門忠息瑛

第三女敏閨 第四女四閨

第五女善才

君妻琅瑯諸葛氏

宋張氏墓誌開人名

宋故臨渭縣侯湘東太守張府君諱濟夫人邱氏諱靜

姬第三女稚兒春秋卅有一亡於偏憂元徽元年十月

甲辰十七日庚申權假寔窈於四鄉遠葉蘭飛浚源璇
潔履順甲辰含章抄開選史國容循詩範節皎鏡冬泉
優柔春蕙關北關行營東慈藝昧慶善富賢寄仁泣
血賁性團憂纖身罷景方旦推華載春壠木已竭墓草
行陳朱火幾爛玄夜無晨

唐徐氏山口碣石題刻

徐浩撰

至德二年上在鳳翔應制扈從中書門下閣上各贈

父祖一人官闕任中書舍人兼尚書右丞集賢殿學士

欽定四庫全書

書法類

三十一

正月二十八日制贈公尚書吏部侍郎及上還京廣德
元年八月二十一日制復贈公副子故銀青光祿大夫
洺州刺史上柱國塢之左散騎常侍洺州府君歷典趙
衝豫吉湖洺六州開元二十四年薨葬於洛陽石橋東
北十里浩自吏部侍郎貶明州別駕歸鄉拜掃揆山口
碣石題此額篆

唐故東莞臧君夫人周氏墓誌銘

張師素撰

夫人姓周氏其族望本乎汝南今為陽羨中江里人也

祖莊父俊皆不尚名宦抗跡邱園孝弟謙恭仁行昭著
夫人淑慎貞賢溫柔令範自禮歸臧氏之室而琴瑟叶
和遵孟氏之風規有班家之令譽嗚呼玄穹降禍大夢
忽臻未偕知命之年奄促泉臺之痛以元和十三年歲
在戊戌三月四日終於義興平西里之私第享齡四十
有四亦以其月甲申廿六日己酉安厝於中江血漬東
北之平原周氏祖業之園地蓋從窀穸也有子曰奉言
始童卅有女二人長未及笄俱號訴之無依憾慈容之
欽定四庫全書

書法類

三十二

永隔恐桑田變易陵谷傾頽故勒紀貞石乃為銘云
雙劍光芒兮嗟一沉鳳歸杳冥兮驚孤吟撫稚子兮淚
盈襟悲壠樹兮愁雲深

唐朝請大夫試絳州長史上柱國趙郡李君故

夫人京兆杜氏墓誌銘

闕撰

夫人諱瓊字瓊本京兆杜陵人後因家邢州遂為邢之
堯山人焉曾祖知慎皇將仕郎守冀州南宮縣尉祖昌
運皇中忻州定襄府左果毅上柱國父西巖皇朝散大